



Pou Piblikasyon Imedya: 15/05/2020

GOUVÈNÈ ANDREW M. CUOMO

NAN KA KE OU TE RATE LI: GOUVÈNÈ CUOMO AP YON ENVITE NAN THE RACHEL MADDOW SHOW SOU MSNBC

Gouvènè Cuomo: "Mwen ta renmen retounen nan mwa novanm, desanm dènye, lè nou te fèk tande pale de li nan peyi Lachin epi di, ak peyi a, di ak mond lan, yon pandemi nenpòt kote se yon pandemi ki tout kote. Lè ou tande ke gen yon viris k'ap pwopaje nan peyi Lachin, fè atansyon, paske li ka posib ke li te nan yon avyon yè, epi li sou wout pou li rive sou ou".

Cuomo: "Sa a se kote ou dwe rebat kat la, pou fè sa byen. Nou te pale de li nan peyi Lachin nan mwa novanm, desanm, janvye. Isit la, nan moman nou te mete entèdiksyon sou vwayaj nan peyi Lachin, li te déjà apati. Li te kite peyi Lachin. Li te ale an Ewòp. Ka sa yo nou gen isit la nan New York, nan kòt lès la, yo te soti an Ewòp. Nou tout t'ap gade sou Lachin, viris la te déjà kite peyi Lachin nan moman nou te deplase a. Kidonk, se sa mwen vle di lè mwen di nou an reta depi nan premye jou a, epi premye jou a te kòmanse nan peyi Lachin."

Yè swa, Gouvènè Andrew M. Cuomo te yon envite nan The Rachel Maddow Show sou MSNBC pou diskite sou repons New York a ak pandemi COVID-19 la.

ODYO pou tande antrevi Gouvènè a disponib [isit la](#).

Yon transkripsyon rapid antrevi Gouvènè a disponib anba la a:

Rachel Maddow: Mesye, mwen rekonesan pou tan ou aswè a. Mèsi paske nou isit la.

Gouvènè Cuomo: Se yon plezi, mèsi paske nou te envite m, Rachel.

Rachel Maddow: Mwen panse ke, epi korije m 'si mwen antò, men mwen panse ke sa a se te 75èm jou konsekatif depi ke ou te bay yon kont randi sou coronavirus la enkli samdi ak dimanch yo e sa pa enkli jou konje yo depi premye ka yo nan New York. Èske se vre?

Gouvènè Cuomo: Se kòmsi se yè, pa vre? Non, se 75 jou.

Rachel Maddow: Kite mwen mande yon bagay, mwen te reyèlman frape jodi a lè ou te di ke pa gen okenn nouvèl depi nou te kòmanse sa a kote nou te twò pridan oswa twò konsène. Tout nouvèl yo pa te bon. 75 jou nan sa a, ak tout bagay ou te andire epi New York te andire, si ou ta ka retounen nan 75 jou ki pase yo epi mande Gouvènè Cuomo, yon enfòmasyon kle, swa de enfòmasyon kle, kisa ou swete ou ta ka di tèt ou alò?

Gouvènè Cuomo: Wi, mwen swete mwen te kapab retounen - Anfèt, si mwen te kapab modifye demann lan yon ti kras, Rachel, mwen ta renmen tounen nan mwa novamm, desanm pase a, lè nou te fèk tandé pale sou sa a nan peyi Lachin epi di, ak peyi a, di ak mond lan, ke yon pandemi nenpòt kote se yon pandemi ki tout kote. Lè ou tandé ke gen yon virus k'ap pwopaje nan peyi Lachin, fè atansyon, paske li ka posib ke li te nan yon avyon yè, epi li sou wout pou li rive sou ou. Sa a se kote ou dwe rebat kat la, pou fè sa byen. Nou te pale de li nan peyi Lachin nan mwa novamm nan, desanm, janvye. Isit la, nan moman nou te mete entèdiksyon sou vwayaj nan peyi Lachin, li te déjà apati. Li te kite peyi Lachin. Li te ale an Ewòp. Ka sa yo nou gen isit la nan New York, nan kòt lès la, yo te soti an Ewòp. Nou tout t'ap gade sou Lachin, virus la te déjà kite peyi Lachin nan moman nou te deplase a. Kidonk, se sa mwen vle di lè mwen di nou an reta depi nan premye jou a, epi premye jou a te kòmanse nan peyi Lachin.

Rachel Maddow: Youn nan bagay ke ou te di nan 24 èdtan ki sot pase yo se, kòm youn nan prensipal pwen kle yo, youn nan leson reyèl ke nou aprann isit la, se ke nou bezwen fabrike ekipman medikal enpòtan yo nan Etazini. Nou bezwen kapasite fabrikasyon nasyonal pou bagay nou bezwen fè fas ak yo, pou kenbe tèt nou an sekirite epi pou nou kapab trete moun nan kontèks epidemi sa a. Èske ou panse ke si nou te gen kalite kapasite manifakti sa a, depi nan debi a, li te kachanje kontou jeneral epidemi an, li te ka sove yon kantite lavi konsiderab?

Gouvènè Cuomo: Ou konnen, Rachel, gen anpil leson nou ka tire nan sitiyasyon sa a, fason li te kòmanse, kote avi a te soti, elatriye. Sou ekipman yo, mwen pa konnen si yo ta ka sove lavi moun. Mwen konnen se te yon gwo tan pèdi, anpil lajan pèdi, se te yon kawo ki grav, lefètke nou pa ka jwenn ase mask ak blouz, nan peyi sa a. Ansuit, ou gen 50 eta, 50 gouvènè, k'ap eseye achte tout bagay nan men Lachin, epi k'ap eseye jwenn koutye ant Etazini ak Lachin, epi eta yo ap fè of kont lòt eta yo pou achte menm mask yo nan peyi Lachin. Mwen vle di kijan nou te fè rive nan pozisyon sa a? Epi se te mask, se te blouz, kounye a se ajan tès yo, reyaktif yo, ke nou pa ka jwenn, yo ap soti nan lòt peyi yo. Ebyen, kidonk mwen pa konnen si reyèlman sa ta koute lavi anplis. Mwen konnen gen enfimyè ak doktè k'ap rantre nan sal ijans yo san prekosyon kòrèk. Mwen konnen ke yo te soufri akòz mank PPE. Mwen espere, mwen espere, mwen espere ke nou pa reyèlman pèdi okenn lavi akòz sa a.

Rachel Maddow: Natirèlman, jan ou konstate, mank yo ap kontinye. Epi se pa menm mank yo pou menm ekipman an depi nan debi a. Kounye a, ou santi tankou tès yo reyèlman toujou limite, alafwa nan New York, ak toupatou nan peyi a, akòz mank bagay espesifik ke ou bezwen pou kapab fè tès epi trete yo. Mwen te vle poze w kesyon sou sa pa rapò ak dekrè ou a pou mezon retrèt Eta New York yo ke yo bezwen kòmanse fè tès pou tout anplwaye yo de fwa nan yon semèn sinon yo ap mete lisans yo a risk. Mwen konnen ke ou te voye plis pase 100,000 kit tès nan mezon retrèt yo pou ede yo satisfè manda sa a. Men, ou konnen ke sa ta dwe plis pase sa. Èske ou konfyan ke pral gen ase tès pou mezon retrèt yo kapab fè sa a, e ke yo pral kapab gen men yo sou yo?

Gouvènè Cuomo: Mwen konfyan Rachel ke pral gen ase tès pou fè pou anplwaye yo nan mezon retrèt yo de fwa nan yon semèn. Sa pwal pi gwo priyorite nou paske se pi gwo priyorite a. Yo se moun ki pi frajil nan sitiyasyon ki pi frajil la. Se konsa yo te prezante nou virus sa a, pa vre? nan Seattle, Washington. Kidonk, nou ka fè sa rive.

Nou ap entansifye tès yo nan tout domèn yo. Kounye a, nou ap fè plis tès pa abitan nan New York pase nenpòt eta nan peyi a ak plis pa abitan pase nenpòt ki peyi nan glòb la, kidonk, nou ap entansifye tès yo yon fason agresif epi nou pral fè plis. Mwen te voye 110,000 kit men se sèlman pou mezon retrèt yo pou fè tès sa yo poutèt yo. Yo kapab ale tou kote yo fè I sou volan yo. Nou gen famasi k'ap fè tès yo kounye a pou kapab gen anpil lòt mekanis pou fè tès.

Men, ou pafètman gen rezon. Mank PPE a tounen yon mank founiti pou tès yo epi nou te gen yon peryòd kote nou te fè ale retou ant eta yo ak gouvènman federal la, ki responsab pou sa, epi gouvènman federal la te di eta yo dwe fè tès. Men, eta yo pa te kapab jwenn tès yo epi laboratwa yo nan eta yo pa te kapab jwenn founiti yo nan men manifikirè nasyonal yo paske manifikirè nasyonal yo te gen yon chèn apwovizyonman entènasyonal ki te ale nan peyi Lachin. Mwen vle di ou pa te kapab, si ou te ekri sa a nan yon fim, yo t'ap di ke ou te ale twò Iwen.

Lè sa a, mwen te gen yon konvèrsasyon avèk Prezidan an e nou te abouti ak yon repatisyon tach apwoksimatif kote gouvènman federal la pral regle pwoblèm chèn apwovizyonman bay manifikirè nasyonal yo. Ansuit eta yo pral fè administrasyon reyèl nan laboratwa yo nan eta sa yo. Men, chèn apwovizyonman sa toujou bezwen plis travay. Nou toujou pa ko preprepare pou fè sa nou dwe fè nan tès la. Se yon mache prese yon fwa ankò. Koulye a, sou tès la, Rachel, pa gen yon moun ki te prevwa yon kapasite tès nan anplè sa a. kidonk, nou ap batí avyon an pandan nap pilote li, men nou ap fè li sou yon baz 50 eta, pou retounen sou pwen ou an nan ouvèti a. Chak eta dwe abouti ak tout sistèm nan pou nou fè sa. Kit li te PPE, oswa fè tès kounye a ak reyaktif yo ak flakon yo, kidonk, dwe gen yon pi bon fason pase jan nou ap fè li a, men chak eta ap fè sa yo kapab.

Rachel Maddow: Èske ou santi tankou si nou gen yon dezyèm vag, epi ankò, vag yo frape diferan eta ak diferan lokalite nan diferan moman epi New York nan yon pozisyon ki diferan pase kèk lòt eta sa yo ki ap re-ouvri kounye a menm lè yo trè wo nan koub yo a epi yo pa ko desann. Mwen konprann gen yon eksperyans etewojèn nan sa a nan peyi sa a, men si nou gen yon dezyèm gwo vag nasyonal nan sa a an otòn lan epi New York retrwouve li nan fon sijè sa epi lòt eta yo ki te frape di retrwouve yo nan fon sijè a, èske ou gen espwa ke nou ta gen yon repons nasyonal inifye kote tout moun ap vize nan menm direksyon an omwen pou dezyèm vag la? Oswa èske ou panse se pral toujou tout eta yo ki pral debat pou tèt yo ankò?

Gouvènè Cuomo: Non, pa gen okenn rezon pou panse ke ou pral gen yon repons diferan nan men gouvènman federal la. Gouvènman federal la te trase wout li epi nou konnen kisa wout sa a ye. Kounye a, mwen te pase uit ane nan Administrasyon Clinton lan, jan ou konnen sa a. Mwen te Sekretè Lojman ak Developman Iben (Housing and Urban Development) Mwen te fè tout jesyon ijans lan, mwen te patisipe ladan pandan tan sa a, kidonk mwen soti nan yon lekòl trè diferan, pa vre? Epi mwen kwè gouvènman federal la, te deklare sa yon ijans federal, pa vre? Sa nòmalman vle di gouvènman federal la se ajan prensipal la e mwen kwè ou ta ka gen yon repons ki pi miskle, yon repons gouvènman federal ki pi entèlijan isit la olye ke ou lage li bay 50 eta yo.

Jodi a yo te fè direktiv CDC yo jan ou mansyone a men ki jan nenpòt eta ta ka reyèlman ouvri san direktiv CDC yo? Te dwe gen yon definisyon nasyonal sou sa ki san danje.

Ou konnen, yo ka defini san danje. Gen nimewo (chif oswa kantite). Kisa ogmantasyon nan kantite lanmò a ye, ogmantasyon nan kantite tès yo, kisa to enfeksyon an ye, kisa RT a ye, kisa ou rele san danje, vini ak yon definisyon, ansuit di eta yo, men definisyon an. Se sa nap fè nan New York. Nou gen yon definisyon pou san danje ki baze sou chif yo, 62 konte yo, oke, sa a se sa nou defini kòm san danje. Konte yo, ou ka travay di nan mezi ou kapab pou atenn definisyon sa a, men ta dwe gen yon definisyon nasyonal pou san danje ke eta yo te dwe swiv ansuit. Ou vle rele li direktiv CDC yo? Se byen. Founiti yo, PPE, kit tès yo, mwen panse ke yo ta dwe jere federalman. Se pou gouvènman federal la achte li sou non eta yo. Poukisa eta yo ap fè konpetisyon youn ak lòt? Kantite tès yo - etabli sa ki san danje epi ki apwopriye pou kantite tès yo epi ede bay founiti yo pou kantite tès sa a nan eta sa a. Lokalize - ki vrè chif lokalizè yo? Epi ann nasyonalize pwotokòl la, kisa lokalize vle di, nasyonalize fòmasyon an, epi ansuit kite eta yo egzekite estanda nasyonal sa yo. Se sa gouvènman federal la te ka fè - yo pa te fè li. Yo te lage li bay 50 eta differan sa yo san direktiv reyèl oswa san estanda nasyonal. Ou gen rezon - New York, koub la ap desann, ou retire New York, koub la ap moute, Rachel. Epi yo ap ouvri, men ak ki estanda? kidonk, mwen pa panse ke sa pral chanje pou dezyèm vag la si gen yon dezyèm vag paske sa a se wout federal la epi bato a deja ap navige.

Rachel Maddow: Gouvènè, youn nan bagay ki te pase nan eta yo ki pa gen anpil ka tankou New York - epi pèsonn pa ko gen anpil ka tankou New York - men nan kè peyi a, nou wè eta ak konte yo, menm vil yo, ki pa te gen anpil ka, men ansuit ki te gen gwo epidemi, dè santèn ak dè santèn ka te asosye ak espas travay espesifik yo, epi sitou izin transfòmasyon vyann sa yo, kote tankou South Dakota ak Minnesota ak Iowa ak Nebraska, epi pa sanble ke gen yon estanda sou ki jan pou jere epidemi sa yo, ki jan pou jere enfòmasyon, ki jan yo ka finalman metrize li, ki jan kominote yo ka prepare tèt yo lè kalite bagay sa yo rive nan yon espas travay. Ou menm nan New York gen yon izin transfòmasyon ki gen yon kantite ka siyifikatif nan zòn riral New York, nan Oneida, Green Empire Farm, yo gen 169 ka laba pami 340 travayè. Mwen pa santi nou ap abouti ak yon estanda nasyonal sou fason pou fè fas ak yon bagay konsa, men antanke yon gouvènè ki fè fas plis ak kriz sa a pase nenpòt ki lòt moun, ki jan ou pral atake pwoblèm izin transfòmasyon manje sa a epi èske ou espere ke se pral youn pami plizyè?

Gouvènè Cuomo: Repons kout la se wi, mwen espere sa a, epi sa pa gen anyen pou wè ak vyann, pa vre? Mwen konnen gen izin transfòmasyon vyann men gen anpil moun ki te deklare, "Ebyen kisa ki genyen konsènan vyann lan?" Se pa konsènan vyann lan. Se pa konsènan fèm agrikòl la; se sou dansite a, se sou rasanbleman an, se sou gwosè a, epi tout sa ou bezwen se yon sèl moun - règ yon sèl moun nan aplikab, Rachel. Tout sa ou bezwen se yon sèl moun ki enfekte nan yon rasanbleman an mas, nan yon gwo rasanbleman, ak dansite, epi yo vin yon sipè-pwopagatè - yon lòt tèm mwen pa te janm tande anvan, men kounye a mwen pa janm vle tande ankò. Nou te gen premye pwen cho nan Etazini - se pa te nan Vil New York, li te nan New Rochelle, nan Konte Westchester, nan konte banlye. Epi li pa te gen anyen pou wè ak demografi yo, se te yon sèl moun ki te pozitif, ki te ale nan kèk rasanbleman ki te gen 100, 200 moun nan rasanbleman yo e kounye a, ou gen pwen cho nan nasyon an. Izin transfòmasyon yo, ou gen 1,000 travayè, ou gen youn ki vin enfekte, epi kounye a se tankou dife nan zèb sèch. kidonk gade, nou te aprann fason ki di a isit la nan New York, men ankò, retounen nan reyalite yo, retounen nan syans lan, retounen nan tès la ak nan lokalizasyon an, to

ospitalizasyon an, to enfeksyon an, nou konnen ki jan yo izole, ou dwe fè li. Yo dwe ofisyalye ak egzekite li. Epi se sa n'ap fè nan New York - li ta bon si nou te gen yon estanda nasyonal nan tout bagay sa yo pou li pa te eta yo ki enfòmèlman ap pataje pi bon pratik yo. Ou konnen, mwen pale ak lòt gouvènè yo epi nou pataje enfòmasyon, men ou ta ka gen yon estanda nasyonal epi tout eta yo ansuit ka swiv estanda nasyonal la, epi li ta bon si te gen finansman ki mache ansanm ak sa, men sa a pral rive nan lòt pati nan peyi a, mwen pral parye ak ou aswè a ke ou pral wè li parèt tout kote ki gen dansite ak rasanbleman epi ou sèlman bezwwen yon sèl moun, règ yon sèl la.

Rachel Maddow: Gouvènè New York Andrew Cuomo - mesye, mwen espere ke lè nou pale ankò, si wi ou non se nan 75 jou apati kounye a oswa yon moman pi bonè ke sa, nou ap pale nan sikonsans trè diferan. Sa a te yon maraton sakre pou ou, mesye, epi mèsi paske ou te rezève tan pou te kapab isit la epi mwen swete w bèn chans kontinyèl.

Gouvènè Cuomo: Mèsi - ebyen, mwen espere pale ak ou anvan li fini, Rachel, paske mwe twò fanatik ou e se yon peryòd tan ki twò long.

Rachel Maddow: Mwen tande ou - pa rakonte frè ou la.

Gouvènè Cuomo: Li konnen.

###

Lòt nouvèl disponib sou sitwèb www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)